



ITHALA LEENCWADI LASE-KLEINMOND ELIVUSELELWEYO LIPHAWULA ULUNTU OLUTHUNGELENEYO, OLUSEBENZAYO NOLUMANYENE NGOKWASENTLALWENI

Kulandelwa uvuselelo lwezigid ezi-R5, iKleinmond inethala leencwadi elikwizinga eliphezulu nalapho uluntu luhlanganela ukufunda kwaye likhule. Ukongeza kukubonelela ngokufikelela kwi-intanethi mahala kwabo balindwendwelayo, elithala leencwadi liqhayisa ngezinto zezalathiso ezingaphaya kwamawaka angamashumi amabini anesihlanu, nezinoninzi lwazo zikwicandelo labantwana nakwigumbi lemisebenzi. Igumbi lemisebenzi lithe latsala umdla

kaSodolophu uNicolette Botha-Guthrie xa efunde ukuba kukho itshes njengomnye wemidlalo ephambili engadlalwa apha - nekunjongo yayo ikukufumana abantu (ngakumbi abantwana) bethabatha inxaxheba kule midlalo ibanceda ukuxonxa izipho zabo kwaye baphuhlise ubukrelekrele babo.

Itafile zetshes ezikralwe ngesandla ezinika izidima igumbi lemisebenzi ziziphumo zobambiswano phakathi kweSebe lemiCimbi yeNkcube-

ko nemiDlalo laseNtshona Kapa kunye neSebe leeNkonzo zoLuleko likaZwelonke.

Apha, abafundi abafundiselwa ekhaya ababini abavela eKleinmond, uDirk noJohan Mathee, baye bakhulueka kakhulu phantsi kweliso elibukhali lomqeqeshi wetshes uAllen Badenhorst (onxibe iskipa esiluhlaza). Ababukelelyo nguDesmond Lakey, uNicolette Botha-Guthrie, uStefan Wehmeyer, umPhathiswa uAnroux Marais, uAndré Enslin nosozincwadi oyintloko uWilna Hooneberg.

Abanini bezinja baseHermanus baphelelwa ngamatyholo okusithela xa kuthethwa ngokungcola okwenziwa zizinja zabo

I-Whale Coast Conservation (WCC) iqale ilinge lokuyila nokuvelisa uthotho lweebhegi zokufaka ituwa yenja nalapho iza kulahlwa khona eHermanus kwizila ekwimixethuka kunye neepaki zokudlala. Ngenxa yokuba nabo abanini bezinja benoxanduva lokugcina i-Overstrand icecekile, ezindawo zokulahlwa ituwa yenja zithetha ukuba abasayi kunika isizathu esithi "ndiyilibe ibhegi" xa kufuneka becoce ituwa yezinja zabo. Ngokuka Anina Lee nongumPhathi eNkxibelelwano kwi-WCC, bangathanda ukufakela imigqomo eyongezekileyo malunga nale mizila ikumaxethuka kwakunye nakwezinye iidolophu zase-Overstrand, kodwa kudingeka umxhasi ukwenza oko. "Imigqomo ixabiswa i-R450 kwaye ukuyifakela zindleko ezongezekileyo," utshilo, esongeza ngelokuba "inzuzo iza kusetyenziswa ekwenzeni eminye imigqomo eyongezekileyo nakukwazisa ngendalo ezingqongileyo".

Imigqomo yetuwa yezinja emihlanu yokuqala ixhaswe yi-Hermanus Ratepayers Association kwaye naye nabani na ofuna ukuxhasa angatsalela u-Anina kwa-028 316 2527 okanye athumele i-imeyili kwa- anina.wcc@gmail.com.

"UKUKHATHALA" YINTO EKUTHETHWA NGAYO NAKWEYIPHI NA IKONA - Endaweni ye-67 nje, abantu baseOverstrand banithe iingubo ezili-125 kusenzelwa usuku lukaMadiba

Kwiminyaka emibini edlulileyo, uSodolophu othabatha umhlalaphantsi uNicolette Botha-Guthrie wacela umngeni kwabadla umhlalaphantsi baseOverstrand ukuba babenegalelo le-"67" ukubonga owayesakuba ngumongameli uMandela.

Uboya babonelwa abahlali baseKidbrooke Place naseOnrus Manor kucelwa umngeni wokuhambisa iingubo ezinithiweyo ezingama-67 ngoSuku lukaMadiba (18 Julayi) nyaka nonyaka ukuze zinikezwe abo bahlwempuzekileyo eOverstrand.

Ukusukela ngoko, le projekthi itha yaghubeka ngeyayo indlela: Kule mihla abandwendweli kumathala eencwadi ahlukeneyo, amadoda nabafazi abathanda ukuphunga kwi-Fusion Restaurant eHermanus kwakunye nabantu abadala baseOverstrand banitha ngothakazelelo olukhulu ukuqinisekisa ukuba isininzi esimiselweyo siyafezekiswa.

Kwaye benze umsebenzi oncomekayo: Ukuthetha nje inyaniso, ngelishesha sisiya kupapasha, esi sininzi simiselweyo besele kudala sagqithwayo nge-58! yeengubo.

Ukuniqwele, i-Hooked on Tuesday Club - eyenziwa ngamanenekazi athe athabatha iinaliti zokukrosha endaweni yeenaliti zokunitha - athe aliza neen-

gubo ezintle kunene ezimbini ezikroshiweyo neziya kuthengiswa esidlangaleni ngeenjongo zokuliza leyo mali.

Xa ebenikwa ezo ngubo, obonakala enemvakalelo uBotha-Guthrie ubulele wonke ubani othabathe inxaxheba kule projekthi "ngokubonakalisa uthando nenkathalo engako".

Ngokwenyani, iprojekthi yeeNgubo zikaMadiba ayinamqamla juu kwaye abaqquzeleli bangathanda ukufumana amalizo ongezekileyo oboya nobuya kwenza izandla ezifuna ukunceda zabantu abadala zihlale zixakekile kwaye zibanike ithuba lokubonakalisa ukuba, njengoMadiba, bakholelwa ukuba ubulungisa yimpendulo.

Naye nabani na ofuna ukuliza ngoboya kule projekthi yeeNgubo kaMadiba okanye ofuna ukuthenga amatikiti eqashiso ama-R30 kwiingubo ezimnyama namhlophe okanye R50 kwiingubo ezinombala angatsalela uDoret kwa- 028 313 8002 okanye athumele i-imeyili ku dtaljaard@overstrand.gov.za. Ukudontswa kweqashiso kuza kwenzeka ekupheleni kuka-Agatsi.





Ukufumana isiQinisekiso soQeqesho kwiMfundo ePhakamilleyo kuNyanzeliso lomThetho wezeNdelela asiyondlalo okanye icekwa, nanjengoko isixhenxe sabafundi bokuba ngamagosa ezendlela akulo mfanekiso angakuxelela. Kwezi nyanga zili-12 zidlulileyo, bavuke ngentseni yonke imihla kuze bahambe baye kwiKholeji yezeNdelela iGene Louw eBrackenfell nalapho bebefundiswa khona unyanzeliso lomthetho wezendlela, kodwa bakwafundiswe indlela yokuphatha imipu, ukuqhuba iimoto ezithile, ukwenza incedo lokuqala kunye nokulawula imililo. Ukucaphula uRudi Fraser, iGosa eliyiNtloko kwezeNdelela eOverstrand, "ukuzinikela okubonakaliswe nguOwen Jacobs, uSlim Maki, uChristelle Fransman, uPrincess Phelewu, uJay-Cee Marais, uTrevino Williams kunye no Fronwin Marais [kumfanekiso basuka ekunxele ukuya ekunene] ibonakalisa ukuzibophelela kwabo ekukhuseleni abahlali baseOverstrand nakuluphi na ulwaphulo-mthetho".

Ingaba ufuna ukubuyisela incwadi,
uhlawule umdlivo, wenze iphepha-mvume?

UNGAKWENZA OKO NAKOWUPHI NA UMGIQIBELO KULE ILANDLAYO

Kumdlu wokubonelela ngenkonzo engcono kuluntu, iSebe lezeNdelela (elimi kwiziTalatato iShort neMussel eHermanus) kwakunye neThala leencwadi eHermanus kwixesha elizayo ziza kuvulela uluntu ngomGqibelo ngamnye kule ilandelayo.

Ukukhawulelana nani, iBullethini iza kunibonelela ngesikhumbuzi esiqitziweyo sale mihla ithala leencwadi kunye nesebe lezendlela eziza kuvula ngazo ukuqhuba uqhushino ngemiGqibelo. Nceda ukhumbule ke kodwa ukuba ulwazi oluchazwe apha luxhomekeke ekubeni lungatshintsha kwaye asiyo-Bulletin ingeyo-Overstrand engafumaniseka inobuxanduva lwalo naluphi na uphazamiseko olungenzeka okanye ukungaphumeleli ukuthobela iimfuneko zomthetho.

IBHLOKO: IMIGQIBELO EKVULIWEYO NGAYO

ISebe lezeNdelela eOverstrand: 08:30 - 12:00 • IThala leencwadi eHermanus: 08:30 - 11:30

13, 27 Agasti | 10 Septemba | 1, 15, 29 Okthobha

IINCWADI ZEMVUME YOKUQHUBA ZIBUNQINANA BOKUBA SISITSHIXO SEMPUMELELO KUBAFUNI-MSEBENZI ABANINZI ABASELULA

Kutshanje iOverstrand isebenzisana neSebe leZibonelelo leZimbiwa, uAFRIMAT neOverberg Driving School, isungule iprojekthi yokunceda abantu abatsha abangama-31 abakhangelwa umsebenzi bafumane iincwadi-mvume zokuqhuba.

Eli nyathelo yinxalenye yephulo lokulwa nenani eliphezulu lokungaqeshwa kwabantu abatsha eOverstrand. Liphulo lokuxhobisa ulutsha olubudala buli-18 ukuya kuma- 35 leminyaka ngolwazi olufunwa ngumntu wonke oluya kunyusa amathuba alo okuqeshwa.

Omnye wabathathe inxaxheba uthe, "Ukuba neencwadi zokuqhuba kundenze ndabalasela phakathi kwabanye abafake izicelo zomsebenzi kwaye ndicinga ukuba yenye yezinto ezibe negalelo kwisigqibo esithatathiweyo sokundiqa kwi sikhundla ndikuso ngoku kwiNkundla kaMantyi."

I-OAK IZA KUSINDLEKA UMDLALI-PIYANO OMNCINANE OTHEMBISAYO KWAYE IBE NEZIYUNGUMA ZOMSITHO



Ukongeza nje inkazimlo kwintwasahlobo ebandayo, siyakuvuyela ukwazisa ukuba ophume isibini kuKhuphiswano luka-Zwelonke lePiyano lwango-2015 lwase-UNISA, uWillem deBeer, uza kudlala kwiqonga leOdithoriyamu yaseHermanus kule nyanga.

Le konsathi iza kuqala nge-15:30 ngeCawa yama-21 Agasti, kwaye iza kubona umdlali wepiyano osomncinane nothembisayo edlala imisebenzi kaBach, uBeethoven, uChopin, uMessiaen noBalakirev.

Njengesithethe, iOAK iza kuphinda isindleke iKonsathi eneSidlo ye-Overberg Eisteddfod ngoLwesithathu, wama-31 Agasti. Lo msitho uza kuqala ngqo nge-19:00 kwaye, xa sijonga ukutsala kwawo unomdla, abafuna ukuwuzimasa bayacetyisiwa ukuba bafumane amatikiti kwangexesha.

Bhukisa eBELLINI kwezi nombolo 028 312 4988. Yonke imibuzo mayibhekiswe kunobhala weOAK uRené du Plooy, kwezi nombolo 028 312 1895 okanye 082 940 4238.



uWillem deBeer

IKOMITI ZEEWADI EZINTSHA ZIZA KONYULWA

NGOKUQIKELELA IZIPHUMO ZONYULO LORHULUMENTE WENGINGQI noluya kuqhubeka ngowe-3 kuAgasti 2016, uMasipala waseOverstrand ukuzilungiselela ukonyula isizukulwana esintsha seekomiti zeewadi kuzo zonke iiwadi ezili-13.

Iwadi zeekomiti zilikhubalo lokuqinisekisa ulawulo olulungileyo: Zithethela abantu xa iziCwangciso zoPhuhliso oluHlangeneyo kunye nohlalo-lwabiwo-mali luqulunqwa kwaye kumele ukuba ziqinisekise ukuba abemi banelizwi kwimibandela emalunga nohanjiso lweenkonzo.

Inosihlalo onguCeba weWadi, ikomiti yewadi yenziwa luthotho lwamalungu anyuliweyo (angekho ngaphezulu kwe-10) abamele iimfuno zemibutho / amacandelo kunye / okanye abahlali abakuloo mmandla. Naye nabani na okhonza kwikomiti yewadi kumele ukuba abe ngumvoti obhalisiweyo ogama lakhe livelayo kumqulu wabavoti kwaye abe uvumelekile ukuba athabathe inxaxheba kunyulo lwengingqi kulo mmandla.

IYunithi engoThabatho-nxaxheba loLuntu iqikelela ukuba unyulo lokumisela ngokutsha iikomiti zeewadi luya kuqala ngowe-15 kuAgasti kwaye luya kugqityezelwa ngowe-18 kuAgasti 2016.

Amaqela anomdla acetyiswa ukuba ajonge amaphephandaba engingqi kwaye ahlale ekhangela izaziso zikamasipala ngeenkukacha ezithe vetshe malunga noku.

#MOREFORMADIBA



USodolophu uNicolette Botha-Guthrie (owokuqala ekunxele) ubonwa enikezela ngeengubo kumanenekazi eZwelihe Youth Café, kuqukwa nababini uFikiswa Gxamesi (owesibini ekunene) noCeba uSicelo Gxamesi (owokuqala ekunene).

Kunzima kwa ukubona ithontsi lamanzi kudlalwa ngalo eOverstrand

Njengokwandisa amakhadi amanqaku amanzi i-Green drop ne-Blue drop, iSebe laManzi noGutyulo kutshanje lipapashe ingxelo yokungadlalwa ngaManzi nephawula ukuba oomasipala balulawula njani usetyenziso lwamanzi kwaye bakukhusela njani ukulahleka kwamanzi. Oomasipala abaninzi balahlekelwa ngamanzi acocekileyo okusela kwisixokelelwano semibhobho yohanjiso lwamanzi ngenxa yemibhobho evuzayo, iitepu ezithontsizayo kunye nokutyenziswa kwamanzi ngokungekho mthethweni.

"Amanqaku okungabikho kwamanzi athontsizayo ali-100% abeka iOverstrand encotsheni yoluhlu lwemfezekiso eMzantsi Afrika," ifundeka njalo le ngxelo, ukongeza koko "la mangaku aphawula ukuba uMasipala waseOverstrand unolwazi olugqwesileyo ngesimo sawo kwaye uneenkqubo, isistimu kunye nezicwangciso eziyimfuneko nezikhoyo zokulawula ilahleko yamanzi kunye namanzi angezi ngeniso".

Iinqobo zokulinganisa ezisetyenziselwa ukuqulunqa le ngxelo ziquka ufezekiso lwezicwangciso qhinga, ulawulo lwempahla, izakhono zobugcisa, iwonga, ukuthobela umthetho nemfezeko, imithetho, kunye nononophelo lwabasebenzisi-nkonzi. Amanqaku afunyenwe yiOverstrand abonakalisa utyalomali olwenziwe kwizixhobo nezakhiwo ezikwinqanaba eliphezulu kunye nomsebenzi ophambili kwaye athetha ukuba unabantu abalungileyo abakhoyo bokujongana ngqo nemibandela yolawulo nelahleko yamanzi.

UStephen Müller ongumLawuli weziXhobo neZakhiwo noCwangciso uvuyisene nabasebenzi bakhe ngele mpumelelo kwaye uthe walinganisa lenkqubo yokuwongwa ngamathontsi kuleyo yamawonga ekhwaliti yase-SABS: "Ulawulo lwamanzi lwethu ligqwesile. Khumbula ukuba iWonga le-Blue drop lidinga amanqaku angama-95% kwaye isiXokelelwano soBonelelo ngaManzi saseGreater Hermanus siye saphuma phambili ngamanqaku angama-96.44% kwezi zixokelelwano zamanzi zili-122 ezivavanywe eNtshona Kapa."